

## 春天赏花踏青诗句合集

1.  
未换中庭三尺土，漫和数丛千叶花。造物不违遗老意，一枝颇似洛人家。  
名园不放寻芳客，陋巷希闻载酒车。未忍画瓶修佛供，清樽酌尽试山茶。  
——苏辙《同迟赋千叶牡丹》
2.  
寂寞应千岁，桃花想一枝。路人看古木，江月向空祠。云雨飞何处，山川是旧时。  
独怜春草色，犹似忆佳期。——刘长卿《过桃花夫人庙》
3.  
只去长安六日期，多应及得杏花时。春明门外谁相待，不梦闲人梦酒卮。  
——元稹《西归绝句十二首》
4.  
落尽春红始见花，花时此屋事豪奢。买栽池馆恐无地，看到子孙能几家。  
门倚长衢攒绣毂，幄笼轻日护香霞。歌钟对此争欢赏，肯信流年鬓有华。  
——罗邺《牡丹》
5.  
夙龄爱远壑，晚莅见奇山。标峰彩虹外，置岭白云间。倾壁忽斜竖，绝顶复孤圆。  
归海流漫漫，出浦水溅溅。野棠开未落，山樱发欲然。忘归属兰杜，怀禄寄芳荃。  
眷言采三秀，徘徊望九仙。——沈约《早发定山》
6.  
江上人家桃树枝，春寒细雨出疏篱。影遭碧水潜勾引，风妒红花却倒吹。  
——杜甫《风雨看舟前落花绝句》

7.  
桃花春水生，白石今出没。摇荡女萝枝，半摇青天月。——李白《忆秋浦桃花旧游》

8.  
葫芦窗畔挂，是物在其间。雪色老人鬓，桃花童子颜。祭星秋卜日，采药晓登山。旧放长生鹿，时衔瑞草还。——徐夔《赠东方道士》

9.  
贡禹怀书日，张衡作赋辰。杏花开凤辇，菖叶布龙鳞。瑞麦两岐秀，嘉禾同颖新。宁知帝王力，击壤自安贫。——李峤《田》

10.  
草木知春不久归，百般红紫斗芳菲。杨花榆荚无才思，惟解漫天作雪飞。——韩愈《晚春》

11.  
贞元朝士重来晚，不见桃花见菜花。——朱继芳《次意一先生仙霞壁间韵》

12.  
惆怅阶前红牡丹，晚来唯有两枝残；明朝风起应吹尽，夜惜衰红把火看。——白居易《惜牡丹花》

13.  
徒劳悲丧乱，自古戒繁华。落日狐兔径，近年公相家。可悲闻玉笛，不见走香车。寂寞墙匡里，春阴挫杏花。——郑谷《长安感兴》

14.  
双飞燕子几时回？夹岸桃花蘸水开。春雨断桥人不度，小舟撑出柳阴来。——徐俯《春游湖》

15.桃花水到报平渠，喜动新流见跃鱼。——黄图安《闲咏二绝·其二》

16.

魏帝宫人舞凤楼，隋家天子泛龙舟。君王夜醉春眠晏，不觉桃花逐水流。  
——顾况《杂曲歌辞·桃花曲》

17.他时回首谁堪忆，春有樱花秋木犀。——刘雄《送无想斋离杭》

18.

枝间新绿一重重，小蕾深藏数点红。爱惜芳心莫轻吐，且教桃李闹春风。  
——元好问《同儿辈赋未开海棠二首·其二》

19.南国有佳人，容华若桃李。——曹植《杂诗·南国有佳人》

20.

翠雾红云护短墙，豪华端称作花王。洛阳宫里杨妃醉，吴国台前西子妆。  
——马氏《牡丹》

21.

蓓蕾枝梢血点乾，粉红腮颊露春寒。不禁烟雨轻欺着，只好亭台爱惜看。  
隈柳帝桃斜欲坠，等莺期蝶猛成团。京师巷陌新晴后，卖得风流更一端。  
——林逋《杏花》

22.

桃花坞里桃花庵，桃花庵里桃花仙；桃花仙人种桃树，又摘桃花换酒钱。  
酒醒只在花前坐，酒醉还来花下眠；半醉半醒日复日，花开花落年复年。  
但愿老死花酒间，不愿鞠躬车马前；车尘马后富者趣，酒盏花枝贫者缘。  
若将富贵比贫者，一在平地一在天；若将贫贱比车马，他得驱使我得闲。  
别人笑我忒疯癫，我笑他人看不穿；不见五陵豪杰墓，无花无酒锄做田！  
——唐寅《桃花庵歌》

23.杏树坛边渔父，桃花源里人家。——王维《田园乐七首·其三》

24.无赖天桃面，平时露井东。——李商隐《嘲桃》

25.

一花一树来婆娑，坐者行者口吟哦。攀者折者手授莎，来者去者肩相摩。墨江泼绿水微波，万花掩映江之沱。倾城看花奈花何，人人同唱樱花歌。——黄遵宪《樱花歌》

26.桃花一簇开无主，可爱深红爱浅红。——杜甫《江畔独步寻花其五》

27.

何处哀筝随急管，樱花永巷垂杨岸。东家老女嫁不售，白日当天三月半。溧阳公主年十四，清明暖后同墙看。归来展转到五更，梁间燕子闻长叹。——李商隐《无题》

28.草色青青柳色黄，桃花历乱李花香。——贾至《春思二首·其一》

29.

长安豪贵惜春残，争赏街西紫牡丹。别有玉盘承露冷，无人起就月中看。——卢纶《裴给事宅白牡丹》

30.

东城渐觉风光好。縠皱波纹迎客棹。绿杨烟外晓寒轻，红杏枝头春意闹。浮生长恨欢娱少。肯爱千金轻一笑。为君持酒劝斜阳，且向花间留晚照。——宋祁《玉楼春》

31.

桃花水到报平渠，喜动新流见跃鱼。一枕羲皇午梦后，数行小试右军书。——黄图安《闲咏二绝·其二》

32.

小桃初破两三花。深浅散余霞。东君也解人意，次第到山家。临水岸，一枝斜。照笼纱。可怜何事，苦爱施朱，减尽容华。——李弥逊《诉衷情》

33.西王母桃种我家，三千阳春始一花。——李白《庭前晚花开》

34.

杨柳凄迷晓雾中，杏花零落五更钟。寂寂景阳宫外月，照残红。蝶化彩衣金缕尽，虫衔画粉玉楼空。惟有无情双燕子，舞东风。——陈子龙《山花子·杨柳凄迷晓雾中》

35.

溪边人浣纱，楼下海棠花。极望虽怀土，多情拟置家。前山应象外，此地已天涯。未有销忧赋，梁王礼欲奢。——薛能《绵楼》

36.依旧桃花面，频低柳叶眉。——韦庄《女冠子·昨夜夜半》

37.

云想衣裳花想容，春风拂槛露华浓。若非群玉山头见，会向瑶台月下逢。——李白《清平调·其一》

38.

绿杨红杏满城春，一骑悠悠万井尘。岐路未关今日事，风光欲醉长年人。闲过绮陌寻高寺，强对朱门谒近臣。多病晚来还有策，雒阳山色旧相亲。——杨巨源《将归东都寄令狐舍人》

39.

此别不可道，此心当报谁。春风灞水上，饮马桃花时。误作好文士，只令游宦迟。留书下朝客，我有故山期。——李颀《留别王卢二拾遗》

40.柳叶来眉上，桃花落脸红。——陈子良《新成安乐宫》

41.

一天飞絮东风恶，满路桃花春水香。——朱淑真《鹧鸪天·独倚阑干昼日长》

42.绿池荷叶嫩，红砌杏花娇。——李商隐《清夜怨》

43.

凉月如眉挂柳湾，越中山色镜中看。兰溪三日桃花雨，半夜鲤鱼来上滩。——戴叔伦《兰溪棹歌》

44.

细泻谷帘珠颗露，打成寒食杏花飴。——杨万里《陈蹇叔郎中出闽漕，别送新茶。李圣俞郎中出》

45.

醉漾轻舟，信流引到花深处。尘缘相误，无计花间住。烟水茫茫，千里斜阳暮。山无数，乱红如雨。不记来时路。——秦观《点绛唇·桃源》

46.

顿觉阳和至，迎春早吐花。风来舒绿叶，律转斗黄葩。冻蝶惊新梦，寒蜂出旧衙。预知天地意，逐暖露光华。——王照圆《迎春花》

47.

昨夜巫山下，猿声梦里长。桃花飞绿水，三月下瞿塘。雨色风吹去，南行拂楚王。高丘怀宋玉，访古一沾裳。——李白《宿巫山下》

48.

桃花嫣然出篱笑，似开未开最有情。——汪藻《春日·一春略无十日晴》

49.

何处深春好，春深京兆家。人眉新柳叶，马色醉桃花。盗息无鸣鼓，朝回自走车。能令帝城外，不敢径由斜。——刘禹锡《同乐天 and 微之深春二十首》

50.

酷烈复离披，玄功莫我知。青苔浮落处，暮柳间开时。晨前清露湿，晏后恶风吹。香少传何许，妍多画半遗。——薛能《海棠》

51.

澹荡韶光三月中，牡丹偏自占春风。——权德舆《和李中丞慈恩寺清上人院牡丹花歌》

52.满阶芳草绿，一片杏花香。——刘彤《临江仙》

53.

弱枝秾艳逐归轮，装出雕盘露色新。满酌酒卮聊自庆，一年齐见两邦春。  
。——韩维《明叔惠洛中花走笔为谢》

54.

樱花落尽阶前月，象床愁倚薰笼。远似去年今日，恨还同。双鬓不整云  
憔悴，泪沾红抹胸。何处相思苦？纱窗醉梦中。——李煜《谢新恩》

55.风急桃花也似愁，点点飞红雨。——如晦《楚天遥过清江引》

56.

只应红杏是知音，灼灼偏宜间竹阴。几树半开金谷晓，一溪齐绽武陵深。  
。艳舒百叶时皆重，子熟千年事莫寻。谁步宋墙明月下，好香和影上衣襟。  
。——李中《桃花》

57.西塞山前白鹭飞，桃花流水鳜鱼肥。——张志和《渔歌子》

58.鞭丝车影匆匆去，十里樱花十里尘。——郁曼陀《东京杂事》

59.

松叶堪为酒，春来酿几多。不辞山路远，踏雪也相过。——张九龄《答  
陆澧》

60.佛光塔影净无尘，几点樱花迎早春。——老舍《奈良东大寺》

61.

水作青龙盘石堤，桃花夹岸鲁门西。若教月下乘舟去，何啻风流到剡溪。  
。——李白《东鲁门泛舟二首》

62.

细雨初怜湿翠裳，新晴特地试红妆。无人会得东风意，春色都将付海棠。  
。——杨万里《寄题喻叔奇国傅郎中园亭二十六咏海棠坞》

63.绡裙罗袜桃花岸，薄衫轻扇杏花楼。——程垓《最高楼旧时心事》

64.山泉散漫绕阶流，万树桃花映小楼。——元稹《离思五首》

65.寻得桃源好避秦，桃红又是一年春。——谢枋得《庆全庵桃花》

66.

隔溪春色两三花，近水楼台四五家。浊酒不妨留客醉，好山长是被云遮。松根净扫弹琴石，柳下常维钓月槎。路狭不容车马到，只骑黄犊访烟霞。——叶颙《题幽居》

67.

今岁东风巧剪裁，含情只待使君来。对花无语花应恨，直恐明年花不开。——苏轼《吉祥寺花将落而陈述古期不至》

68.

二月饶睡昏昏然，不独夜短昼分眠。桃花气暖眼自醉，春渚日落梦相牵。故乡门巷荆棘底，中原君臣豺虎边。安得务农息战斗，普天无吏横索钱。——杜甫《昼梦》

69.

雨声点滴漏声残，短褐就如二月寒。闭户自怜今伏老，联鞍谁记旧追欢。欲持藤榼沽春碧，自傍朱栏翦牡丹。不为挂冠方寂寞，宦游强半是祠官。——陆游《剪牡丹感怀》

70.杏花疏影里，吹笛到天明。——陈与义《临江仙·忆昔午桥桥上饮》

71.

白雪柳絮飞，红雨桃花坠，杜鹃声里又春归。——卢挚《双调·沉醉东风·春情》

72.

边烽警榆塞，侠客度桑干。柳叶开银镝，桃花照玉鞍。满月临弓影，连星入剑端。不学燕丹客，空歌易水寒。——骆宾王《送郑少府入辽共赋侠客远从戎》

73.

闻君采奇石，剪断赤城霞。潭上倒虹影，波中摇日华。仙岩接绛气，谿路杂桃花。若值客星去，便应随海槎。——李德裕《临海太守惠予赤城石，报以是诗》

74.

仙杏一番新，妖饶洗露晨。待妆忧粉重，欲点要酥匀。月淡斜分影，池清倒写真。君须怜旧物，曾伴曲江春。——文同《杏花》

75.

去年今日此门中，人面桃花相映红。人面不知何处去，桃花依旧笑春风。——崔护《题都城南庄》

76.

庭前杏树手亲栽，曾见空花两度开。闻道濛濛烟雨里，乱禽争子落莓苔。——释元肇《同游归故隐》

77.刘郎去也，武陵溪上，仙子淡妆梳。——周文质《小桃红·咏桃》

78.

今年春色可胜嗟，二月山中未见花。长忆去年今夜月，海棠花影到窗纱。——程敦厚《惜海棠开晚》

79.崦合桃花水，窗鸣柳谷泉。——顾况《题柳谷泉》

80.

仙郎何日是来期，无心云胜伊。行云犹解傍山飞，郎行去不归。强匀画，又芳菲，春深轻薄衣。桃花无语伴相思，阴阴月上时。——张先《醉桃源/阮郎归》

81.百亩庭中半是苔，桃花净尽菜花开。——刘禹锡《再游玄都观》

本文链接：<https://duanjuziku.com/duanjuzi/l30y03ff3s.html>